



Inatsisartunut ilaasortaq Anders Olsen, Siumut
Inatsisartut
/MAANI

Tunumi raajartassat raajarniarlu pillugit § 37 2013-108-imut akissuteqaat

Inatsisartut suleriaasianni § 37, imm. 1 naapertorlugu Tunumi raajartassat raajarniarnerlu pillugit apeqquteqarsimavutit. Apeqqutit uannut akisassanngorlugit innersuussutigineqarsimapput.

Apeqqut:

1. Tunumi raajartassat 2012-imi qanoq annertutigisut pisarineqarpat?
2. Tunumi raajartassat inuiaqatigiinnut annertunerpaamik iluaqutissanngortinneqassappata Naalakkersuisut periuseq suna atorniarpaat?
3. Tunumi raajartassat annertussusaat Naalakkersuisut naammattutut isigaat?

Akissut:

1-imut: Tunumi raajarniarluni aalisarnek assut allanngorartuuvog ilaatigut sikut silallu pissusii pissutigalugit. 2012-imi tamakkiisumik Tunumi raajat pisarineqartut 2.179 tonsiupput, imatullu agguataarsimallutik:

2012	Pisassiissutit tons)	Pisat (tons)
Kalaallit Nunaat	4.400	735 (16,7 %)
EU (Baltikum aamma DK)	8.000 (5.100)	1.442 (28,3 %)
Norge (EU-mit ingerlateqqitat)	(2.900)	2 (0,1 %)
Katillugit	12.400	2.179 (17,5 %)

2-mut: Naak Tunumi raajartassat amerlanertigut ilaannakuusumik iluaqutigineqartaraluartut angisuumik aningaasaqarniarnikkut naleqarput Kalaallit Nunaata EU-mik Aalisarnikkut suleqatigiilluni isumaqatigiissutaanut sanilliullugu. 2012-imi Kalaallit Nunaata EU-mut ukiumoortumik pisassiissutissatut annertussusillit raajat 8.000 tonsit tunivai. Taamatut ukiumoortumik pisassiissutissatut annertussutsit annertungaatsiartorsuarmik ukiumoortumik tamakkiisumik akiliutaasartut ilagaat taakku Kalaallit Nunaata Aalisarnikkut suleqatigiilluni isumaqatigiissut naapertorlugu pissarsiarisartagai. Taava tamatuma kingorna EU-mit ukiumoortumik pisassiissutissatut annertussutsit aalajangersimasut Norge-mut ingerlateqqinneqartarput. Taakku 2012-imi takuneqarsinnaasutut 2.900 tonsiupput.

Piffissami maannakkuugallartoq Naalakkersuisut annertunerusunik suliniutinik aallartitsiniangillat Tunumi raajartassanik pitsaanerusunik iluaqutiginninniarluni. Soorlu oqaatigineqareersutut ilaatigut sikup silallu pissusai iluaqutiginnittarnermut killilersuisuupput. Naalakkersuisulli suli aalisarnermik inuussutissarsiuqartut kaammattortuarusuppai Tunumi raajatigut pisassiissutinik pitsaanerusunik iluaqutiginneqqullugit.

3-mut: Tunumi raajartassat uumasunik ilisimatuut siunnersuinerat naapertorluarlugu aalajangersarneqarnikuupput Taamaasilluni piujuartitsilluni aqutsinermik periutsit naapertorlugit naammaginantumik pisassiissutit angissuseqarput.

Inussiamersumik inuulluaqqusillunga.

Karl Lyberth